

二儀同卷

體七

二儀同卷

金籙上壽三獻儀

金籙延壽設醮儀

金籙上壽三獻儀

法事

聰明作元后際虹渚之開祥日月有容光望
龍墀而稱慶

具職臣姓某謹同代禮官某等誠歡誠抃稽

首頓首再拜上奏

中天星主北極紫微大帝日月星斗列曜羣
真

皇帝本命元辰星君南極老人壽德星君上
清福德星君上清祿德星君帝座照臨星宰

禮七

周天宿度拱極高真恭望洪慈洞回淵鑒臣
聞元始開圖散真風於萬有虛皇御運流化
雨於十華林林而宇內寓形戢戢而寰中稟
命臣等欽惟

皇帝陛下尊居皇極總萬國之權衡撫育黎

民開八荒之壽域和氣沖融於天闕歡聲洋溢於坤輿茲逢

聖誕之辰爰舉玄元之典醮修金籙境現瑤壇稽首蒼穹謹效華封人之三祝歸心至道用祈

聖天子之萬年伏望上聖垂恩元尊錫慶玄龍駕景陪瓊輪羽蓋之班朱鳳翼轅降綠輦丹輿之仗不遺懇悃允副謚恂臣與禮官等誠歡誠抃稽首頓首再拜上香酒陳初獻

法事

奏樂

臣聞大德本乎生上帝之統臨無外五福一
曰壽下情之期望彌深爰摠誠敬扣於天聰
而延壽用希於景貺冀垂鑒應克副虔祈伏
念臣等忝承正一之宗罔悟函三之妙爰清
體七
爰靜愧修習之多違曰希曰微信言思之莫
及幸逢景運喜近清光恭逢樞繞之辰肅闡
玄元之典上祝

皇帝陛下恭願一人有慶萬國咸寧福祿壽
衆星煥瑤光於帝座夏商周三代協熙皞於

天朝永樂大明弘開壽域臣與禮官等誠歡
誠抃稽首頓首再拜上香酒陳亞獻

法事

奏樂

臣聞視聽自天惟帝心之簡在歡呼動地祝
聖壽之延洪會陰陽感召之機合天地和同
之德臣等拳拳奉命翼翼存誠玄科次第以
敷陳景祚萬安而致禱伏願道無終始德被
邇遐八節四時和氣常臻於宸極三元六甲
福星咸順於機衡贊邦家有永之辛洽海宇

雍熙之治仁天廣大聖日光明百揆忠良美
政懋敷於中外兆民鼓舞頌聲普及於耄倪
慶衍金枝瑞綿寶曆臣等誠歡誠抃稽首頓
首再拜上香酒陳終獻

奏樂

體七

諷清靜經

上疏

焚燎

向來

回向

向來恭對道前敷陳丹悃備陳薦獻法事粗
周具有進獻凡儀仰冀聖真俯垂洞鑒伏願
丹極儲祥紫宸益筭巍巍大業藉神明協陰
翊之功蕩蕩洪恩俾民庶遂雍熙之樂風調
雨順地久夫長再憑道力志心稱念

玄都萬壽天尊不可思議功德

衆跪贊三呼

禮畢

金錄上壽三獻儀

金錄延壽設醮儀

法事如式

各默禮師存念如法

五星列照

煥明五方

水星却災

木德致昌

熒惑消禍

太白辟兵

鎮星四據

家國利亨

名刊玉簡

字錄帝房

乘颿散景

飛騰太空

出入冥無

遊宴十方

五雲浮蓋

招神攝風

役使萬靈

上衛仙翁

鳴法鼓二十四通

六五帝立於直日

無上三天玄元始三炁太上老君召出臣身

中三五功曹左右官使者左右捧香驛龍騎
吏侍香金童傳言散花玉女五帝直符直日
香官使者各三十六人出出者嚴裝顯服冠
帶垂纓關啓此間土地里域神真臣今設醮
朝修欽奉 其諸丹悃具載緘謄願得

體七

四

太上十方正真生炁下降流入臣等身中令
臣所啓之誠速達徑御

至真無極大道三清上聖昊天至尊金闕玉
皇上帝御前

請稱法位

具位臣姓某與臨壇官衆等謹同誠上啓

太上無極大道虛無自然元始天尊虛皇玉
晨大道君靈寶天尊萬變混沌玄元老君道
德天尊昊天至尊玄穹高上帝勾陳上宮天
皇大帝中天星主紫微北極大帝神霄玉清
長生大帝東極青華大帝后土皇地祇九天
生神上帝三十二天帝君五靈五老上帝玄
都萬壽天尊太平護國天尊福生無量天尊
大羅諸天天尊諸后元君上清十一大曜星
君南斗六司延壽星君北斗九皇延生星君

夫人內妃仙眷二十八宿星君十二宮辰星
君上清福祿壽三星真君

皇帝本命星君帝座照臨星宰泰玄樞機三
省上相真君三元三官大帝北極四聖真君
靈寶五師真君九天金錄無量壽生神君十

禮七

五

方無極飛天神王三界大勳魔王三天門下
三元真君引進詞表靈官諸司院府主法高
真雷霆三司天君上界朝元列班真宰五嶽
五帝真君五天聖帝洞天福地靖廬治化仙
官北陰玄天豐都大帝水府扶桑大帝本靖

本派經籍度師列位真人馬趙關溫四大元
帥城隍社令祀典明神內廷五祀之神三界
醮筵真宰虛空鑒察威靈臣聞道先天地凝
光明於混沌之中化並陰陽妙裁成於鴻濛
之內包羅有截囊括無垠曰希曰夷曰微上
極無上惟玄惟元惟始高拱彌高仰窺則况
忽難名俯視則杳冥莫測凡居陶冶孰越範
圍臣等樗散菲材塵籠濁質追隨幻境徒并
井於駒馳撫閱流光悵悠悠於兔逐矢心補
過勵志立功期精進以學真庶操存而領教

臣欽奉
綸音肅嚴祀事爰恪遵於玄範庸肅闡於朝
儀葵藿傾誠頻繁致敬伏望元尊錫慶上聖
流光朱鳳翼轅降綠輦丹輿之仗玄龍駟乘
陪瓊輪羽蓋之班三界侍軒萬真受事式副
再三之悃不遺萬一之忱臣等下情不勝凝
俟之至

降兩班聖位

三界衆真醮筵列聖向伸拜請諒沐光臨請
各整於仙班共祗迎於帝御

降聖

雲輿

鸞輿至止鶴駕臨軒與醮列真如儀朝禮朝
禮既周請陞醮席禮官上香酒陳初獻

法事

禮七

重稱法位

具位臣姓某重誠上啓

六

三清上聖十極高真圓穹之帝后仙真方域
之曹僚主執三界內外一切真靈臣聞三洞
流光玉局注延生之典九清布化琅函垂益

壽之文自萬變混沌以傳經繇六合高明而
啓教恩流黃混澤浹清微恭逢

聖誕之甫臨敬致華封之頌祝臣等願天激
切扣地勤奉每懷九還御氣之方欲致七返
延真之術仰依大道用助洪禧弘開金錄之
玄文普迓玉京之上聖來於期颯旂於黃道駐寶
輦於瑤壇喜溢天恩壽增聖筭具如詞悃俯
伏奏聞

宣詞

詞文控露玄鑒孔昭黍稷非馨謹寓粢盛之

潔蘋蘩可薦爰陳綿蕝之儀伏願倉倉時歆
高高日監尊彝間錯伶華鳴九奏之音籩豆
靜嘉符寶擁九光之仗克誠切切庸敬渠渠
冀垂陰翊之功永協昇平之慶臣等上香酒
陳亞獻

進狀

七

七

臣聞天雖高而聽卑惟人心而無間人欲壽
而請禱必天聽以潛乎影響無違鼓桴胥契
臣今欽奉

綸音建壇設醮已荷慈觀降福延年諒從真

禱伏願

皇圖永固

聖壽萬安新慶宜增觀椿松之茂悅夙心昭
著對箕翼之輝明壽等華嵩福同河漢至治
協唐虞之世雍和樂義昊之風次願臣等障
惱消除塵緣解脫傳道授法志有合於金蘭
守默存誠操益堅於冰檠凡有所扣悉藉悃
懔上願圓蓋高華方輿澄晏山靈薦瑞川后
呈祥雨順風調百穀登成於地利星移斗轉
四時常施於天恩同文同軌以同倫曰富曰

康而曰壽鳶飛魚躍均陶一炁之生生獸舞
鳳儀普合萬形之化化凡諸有識悉證無爲
臣等致恭酒陳終獻

法事

重稱法位

具位臣姓某重誠上啓

三清上聖十極高真日月星斗本命星君天
地神祇陰陽主宰三界內外應感真靈臣聞
萬帝臨軒媿芻蕘之可擇千官侍坐諒葑菲
之不遺獻酬已罄於三周莫享幸殫於一念

以今玉杓影轉銀漢光斜月澹八鸞已翩翻
而上運風清九鳳復搖曳以高征煙駟傍馳
雲龍遐邁臣等無從控挽惟劇瞻馳不勝依
戀之至臣與臨壇官衆等謹稽首頓首奉辭
聖駕

體七

送聖頌

存神燒香

香官使者左右龍虎君侍香諸靈官當令臣
向來設醮朝修之所自然生金液丹碧芝英
百靈衆真交會在此香火鑪前當願

皇圖永固

聖壽萬安十方仙童玉女接待蘭煙傳臣向
來所啓之誠速達徑御

至真無極大道三清上聖昊天至尊金闕玉
皇上帝御前

回向

向來

金籙延壽設醮儀



